

Groth, Klaus: Ik kreeg Jüm Breef bi gude Gesundheit (1859)

1 Ik kreeg Jüm Breef bi gude Gesundheit,
2 Un seeg, wa't all bi Jüm noch rund geit,
3 Wa't mit de Koh un mit de Hund steit
4 Un mit dat Përd,
5 Un dat Anntin noch jümmer de Mund geit
6 Asn Lammersteert.

7 Jüm schrivt mi, dat dat Korn gut stan deit,
8 Un dat Jüm lütt Jan Paul al gan deit,
9 Un dat Jüm Psepter de Junges slan deit,
10 As weert nix Guds,
11 Un dat Jan Discher bi Jüm wahn' deit
12 Int Achterhus.

13 Plünn Antje hett mi letz de Breef broch,
14 Un hett mi seggt, de Püttjer lëv noch,
15 Un sin Jan Hinnerk weer de Sleef noch
16 Vun fröher her,
17 Un all dat Nies, wat sunsten gev noch
18 Vun Em und Eṛ.

19 Dat 's ditmal Allens, wat ik wëten do,
20 Opn anner Mal mehr, wenn'k wat vergëten do;
21 Plünn Antje bringt ok noch en Bëten to
22 Jan Paul sin Mund.
23 Gott geṽ Jüm, wat ik wünsch un bēden do:
24 Blivt All gesund.